

Sanctificetur lignum istud in nomine Patris, et Fili, et Spiritus Sancti: et benedictio illius ligni, in quo membra sancta Salvatoris suspensa sunt, sit in isto ligno; ut orantes, inclinantesque se propter Deum ante istem Crucem, inventiant corporis et animae sanitatem. Per eundem Dominum nostrum Jesum Christum, etc. R. Amen.

Tum Sacerdos flexis ante Crucem genibus ipsam devote adorat, et osculatur. Idem faciunt quicumque alii voluerint.

¶ Si vero Crux est ex metallo vel lapide, loco praecedentis Orationis videlicet: Sanctificetur, etc. Sacerdos stans dicit sequentem Orationem:

Deus gloriae, Deus excelse Sabaoth, fortissime Emmanuel, Deus Pater veritatis, Pater sapientiae, Pater beatitudinis, Pater illuminationis ac vigilationis nostrae, qui mundum regis, qui cuncta regna disponis, qui es bonorum collator munerum, et bonorum omnium attributor; cui omnes gentes, populi, tribus et linguae serviunt; cui assistit omnis Angelorum legio; qui largiris famulis tuis fidem et laudem tui nominis, ut debita tibi oblata persolvant, cui prius fides offerentium complacet, deinde sacrificatur oblatio: quæsumus exorabilem misericordiae tuæ pietatem, ut sancti fices tibi hoc signum Crucis, et conse cres, quod tota mentis devotione famulorum tuorum religiosa fides construxit, trophyum scilicet victoriae tuæ ac redempcionis nostræ, quod in amorem Christi triumphalis gloria consecravit. Adspice hoc signum Crucis insuperabile, per quod diaboli exinanita est potestas, mortalium restituta libertas: quæ licet fuerit aliquando in poenam, sed nunc versa est in honorem per gratiam, et quæ reos quandam puniebat suppicio, nunc et noxios absolvit a debito. Et tibi quid per hoc placere potuit, nisi id, per quod tibi placuit nos redimere? Et nullum tibi debitum amplius munus est, quam quod tibi nunc corporis

dedicavit affixio: nec tibi est magis familiaris oblationis, quam quæ familiari manuum tuarum extensio ne sacrata est. Illis ergo manibus hanc Crucem accipe, quibus illam amplectus es, et de sanctitate illius hanc sancti ficas: et sicuti per illam mundus expiatus est a reatu, ita offerentium famulorum tuorum animæ, devotissimæ hujus Crucis merito, omni careant perpetrato peccato, et tuae veræ Crucis obiectu enitescant successibus assiduis triumphatores. Radiet hic unigeniti Filii tui Domini nostri splendor divinitatis in auro, emicet gloria ejus in ligno; in Cruce rutilet nostræ mortis redemptio; in crystalli splendore vitæ nostræ purificatio. Sit suorum protectio, spei certa fiducia; eos simul cum gente et plebe fide confirmet, spe et pace consociet; augeat triumphis, amplificet in secundis, proficiat eis ad perpetuitatem temporis, ad vitam æternitatis, ut eos temporali florentes gloria muniat, et ad perpetuam redemptos coronam, ad regna cœlestia potenti virtute perducat. Præsta per propitiationem sanguinis ejus, per ipsum datorem qui seipsum dedit redempcionem pro multis, qui se hostiam pro delictis offerre dignatus est, qui exaltatus in ligno Crucis sue principatus et potestates humiliavit, qui tecum sidereo consideret throno, indissolubili connexione Spiritus Sancti, per infinita sæculorum sæcula. R. Amen.

Tum Sacerdos flexis genibus, eam devote adorat, et osculatur. Idem faciunt quicumque alii voluerint.

BENEDICTIO OSTENSORII PRO SANCTISSIMO SACRAMENTO
FIDELIUM VENERATIONI EXPOENDO

154. ¶ Adjutorium nostrum in nomine Domini. R. Qui fecit cœlum et terram.

¶ Dominus vobiscum. R. Et cum spiritu tuo.

OREMUS

Omnipotens sempiterne Deus, vasculum istud, pro Filii tui Domini nostri Iesu Christi Corpore fidelium venerationi exponendo fabrefactum, bene ✕ dicere, et sancti ✕ dicare dignare: ut omnes qui eumdem Unigenitum in hoc sæculo pio affectu venerantur, et in futuro perpetuam pietatis suæ mercedem accipient. Per eumdem Christum Dominum nostrum. R. Amen.

Deinde Sacerdos Ostensorium adspergat aqua benedicta.

BENEDICTIO CAPSARUM PRO RELIQUIIS SANCTORUM
INCLUDENDIS

155. ¶ Adjutorium nostrum in nomine Domini. R. Qui fecit in cœlum et terram.

¶ Dominus vobiscum. R. Et cum spiritu tuo.

OREMUS

Bene ✕ dic, Domine, capsulam hanc Sanctorum tuorum Reliquis condendis præparatam: et præsta; ut quicumque eas pro mentis affectu venerati fuerint, ipsis Sanctis tuis intercedentibus, omnium delictorum suorum veniam obtineant, et contra omnes adversitates tuo semper muniantur auxilio. Per Christum Dominum nostrum. R. Amen.

Deinde Sacerdos adspergat Capsam aqua benedicta.

BENEDICTIO VASORUM PRO SACRIS OLEIS INCLUDENDIS

156. ¶ Adjutorium nostrum in nomine Domini. R. Qui fecit cœlum et terram.

¶ Dominus vobiscum. R. Et cum spiritu tuo.

OREMUS

Exaudi, Domine, Pater clementissime, preces nos-tras: et hæc purificanda vasa, Ecclesiæ tuæ sacri ministerii usui præparata, bene ✕ dicere et sancti ✕ dicare digneris. Per Christum Dominum nostrum.

R. Amen.

OREMUS

Omnipotens sempiterne Deus, a quo omnia im-munda purgantur, et in quo omnia purgata clares-cunt: supplices omnipotentiam tuam invocamus, ut ab his vasis, quæ tibi offerunt famuli tui, omnis spiritus immundus confusus longe discedat, et per tuam bene ✕ dictionem ad usum et ministerium Ecclesiæ tuæ sanctificata permaneant. Per Christum Dominum nostrum. R. Amen.

Deinde adspergit ea aqua benedicta.

BENEDICTIO SACRORUM VASORUM ET ALIORUM
ORNAMENTORUM IN GENERE

157. ¶ Adjutorium nostrum in nomine Domini.

R. Qui fecit cœlum et terram.

¶ Dominus vobiscum. R. Et cum spiritu tuo.

OREMUS

Exaudi, Domine, Pater clementissime, preces no-stras: et hæc purificanda vasa et ornamenti sa-cri Altaris, atque Ecclesiæ tuæ sacri ministerii usui præparata, bene ✕ dicere, et sanctificare dig-neris. Per Christum Dominum nostrum. R. Amen.

OREMUS

Omnipotens sempiterne Deus, a quo omnia mun-da purgantur, et in quo omnia purgata clares-cunt:

suplices omnipotentiam tuam invocamus; ut ab his vasis et ornamentis, quæ tibi offerunt famuli tui, omnis spiritus immundus confusus longe discedat, et per tuam benedictionem ad usum et ministerium sancti Altaris et Ecclesiæ tuæ sanctificata permaneat. Per Christum Dominum nostrum. R. Amen.

Deinde adspergit ea aqua benedicta.

De Ecclesiæ et Coemeterii reconciliatio-

natione (1)

(EX PONTIFICALI ROMANO, PART. II).

158. Ecclesiæ et cæmeterii reconciliatio omni die fieri potest.

In primis in mane diei qua reconciliatio fieri debet, paratur faldistorium super tapete in medio cæmeterii, et Altare Ecclesiæ omnino nudatur. Parantur etiam duo vasa cum aqua, unum in cæmeterio, et aliud in Ecclesia in Presbyterio, et ibidem unum vas vini; vas cum sale; vas cum cineribus; et aspersorium de herba hyssopi factum. Providetur etiam quod Ecclesia possit libere circuiri. Si vero Ecclesia tantum sit reconcilianda, paratur faldistorium super tapetem ante portam principalem Ecclesiæ, et ibidem vas cum aqua, et aspersorium de herba hyssopi factum, ac alia in Ecclesia, quæ supra sunt ordinata.

Quibus omnibus sic paratis, Pontifex in Sacristia, vel alio condecenti loco ornatus amictu, alba, cingulo, stola, pluviali albo, mitra simplici, et baculo Pastorali, procedit ad cæmeterium, si est reconciliandum, alias ante portam principalem Ecclesiæ ubi stans juxta faldistorium sibi paratum, benedit aquam ibidem in vase positam simpliciter cum sale, prout habetur supra in benedictione et impositione primariae lapidis pro Ecclesia ædificanda. Aqua igitur benedicta. Pontifex sine mitra inchoat, schola prosequente. Antiphonam: Adsperges me, Domine,

(1) Este es el rito que debe observar (á parte lo que se refiere á los ornamentos pontificales) todo Señor delegado por la Santa Sede para el caso.

hyssopo, et mundabor, lavabis me, et super nivem dealbabor. Ps. Miserere mei Deus: secundum magnam misericordiam tuam, etc. Totus dicitur cum Gloria Patri, et Sicut erat.

Quo finito, Antiphona repetitur. Interim dum Antiphona, et Psalmus dicuntur, Pontifex accepta mitra, adspergit cum ipsa aqua in circuitu deforis Ecclesiam, et cæmeterium simul, adspergendo aquam alternatim nunc ad murum Ecclesiæ, nunc ad terram cæmeterii, et specialiter loca contaminata. Quo facto rediens ad locum ubi aquam benedixit, stans deposita mitra, dicit:

OREMUS

Omnipotens et misericors Deus, qui Sacerdotibus tuis tantam præ cæteris gratiam contulisti, ut quid quid in tuo nomine digne perfecteque ab eis agitur, a te fieri credatur, quæsumus immensam clementiam tuam, ut quod modo visitaturi sumus, visites, et quidquid benedicturi sumus, bene dicas; sitque ad nostræ humilitatis introitum Sanctorum tuorum meritis fuga dæmonum, Angeli pacis ingressus. Per Christum Dominum nostrum. R. Amen.

Deinde iterum dicit: Oremus.

Et Ministri: Flectamus genua. R. Levate.

Aufer a nobis, quæsumus, Domine, cunctas iniurias nostras; ut ad loca tuo sancto nomini purificanda puris mereamur mentibus introire. Per Christum Dominum nostrum. R. Amen.

Et si Ecclesia reconciliatur sine cæmeterio, omititur sequens Oratio. Si vero Ecclesia simul cum cæmeterio reconciliatur, Pontifex, finita præcedente, mox dicit: Oremus.

Et Ministri: Flectamus genua. R. Levate.

Domine pie, qui agrum figuli pretio sanguinis tui in sepulturam peregrinorum comparari voluisti, quæsumus, dignanter reminiscere clementissimi hujus mysterii tui. Tu es enim, Domine, figulus

noster, tu quietis nostræ ager, tu agri hujus es
preium, tu dedisti etiam et suscepisti, tu de pre-
tio et in pretio tui vivifici Sanguinis nos requiesce-
re donasti; tu ergo, Domine, qui es offensionis no-
stræ clementissimus indultor, exspectantissimus
judicator, judicii tui superabundantissimus mize-
reator, judicium tuæ justæ severitatis abscondens,
post miserationem tuæ piæ redemptionis adesto
exauditor et effector nostræ reconciliationis, hoc
que cœmeterium, mausoleum peregrinorum tuo-
rum cœlestis patriæ incolatum exspectantium be-
nignus purifica et reconcilia; et hic tumulatorum
et tumulandorum corpora, de potentia et pietate
tuæ resurrectionis ad gloriam incorruptionis non
damnans, sed glorificans resuscita, qui venturus es
judicare vivos, et mortuos, et sæculum per ignem.
¶ Amen.

*Postea cantor incipit Litanias, ut in fine hujus
secundæ partis, et Pontifex accepta mitra ingredi-
tur Ecclesiam cum Clero, cantando eas; acceditque
ante Altare majus, coram quo paratur ei faldistorium,
super quod Pontifex cum mitra procumbit.
Cumque dictum, fuerit.*

Ut omnibus fidelibus, etc. ¶ Te rogamus audi
nos.

*Pontifex surgit de accubitu, et baculum Castora-
lem in sinistra tenens, producit signum crucis super
Altare, Ecclesiam, et cœmeterium, dicens:*

Ut hanc Ecclesiam, et Altare hoc, ac cœmete-
rium purgare, et reconciliare digneris. ¶ Te ro-
gamus audi nos.

Secundo dicit:

Ut hanc Ecclesiam, et Altare hoc, ac cœmete-
rium purgare, reconciliare, et sanctificare di-
gneris. ¶ Te rogamus audi nos.

Tertio dicit:

Ut hanc Ecclesiam, et Altare hoc, ac cœmete-
rium purgare, reconciliare, sanctificare, et

consectare digneris. ¶ Te rogamus audi nos.

*Si autem cœmeterium non sit pollutum, et sit ne-
que reconciliandum, non fit de cœmeterio mentio.
Quibus dictis; iterum super faldistorio accumbit,
cantore Litanias resumente et perficiente. Quibus
finitis, Pontifex surgit et, deposita mitra, stans
versus ad dictum Altare, dicit: Oremus.*

Et Ministri: Flectamus genua. ¶ Levate.

Deus, qui peccati veteres hereditariam mortem,
in qua posteritatis genus omne successerat Christi
Filii tui Domini nostri passione solvisti, da propi-
tius, ut conformes eidem effecti, sicut imaginem
terreni parentis naturæ necessitate portavimus, ita
imaginem cœlestis gratiæ sanctificatione portemus,
per virtutem ejusdem Christi Filii tui Domini no-
stri, qui tecum vivit, et regnat in unitate Spiritus
Sancti Deus, per omnia sæcula sæculorum.

¶ Amen.

*Deinde Pontifex genuflexit ante faldistorium præ-
dictum, et sine mitra cantando dicit, prout etiam
habetur supra in Ecclesiae Dedicacione.*

Deus in adjutorium meum intende.

Tunc surgit Pontifex, et chorus respondet:

Domine, ad adjuvandum me festina.

Tunc Pontifex stans sine mitra dicit:

Gloria Patri, et Filio, et Spiritui Sancto.

Chorus respondet:

Sicut erat in principio, et nunc, et semper: et in
sæcula sæculorum. Amen, absque Alleluia.

*Idem fit eisdem modo et loco secundo, et tertio,
voce semper altius elevata. Quibus dictis, Pontifex
stans in eodem loco accepta mitra, benedicit aliam
aquam (1) ibidem in Presbyterio in aliquo vase pa-*

(1) Nótese bien que el Sacerdote delegado por la Santa
Sede no puede bendecir el agua, sino que debe usar la bende-
cida por el Obispo, á no ser que se diga otra cosa en el Res-
cripto.

*ratam cum sale, cinere, et rino incipiens absolute:
Exorcizo te creatura salis.*

*Prout habetur in Dedicatione Ecclesiæ in secundæ
aque benedictione, continuans usque ad Orationem
Omnipotens sempiterne Deus, creator et conserva-
tor humani generis, etc., inclusive.*

*Qua dicta, Pontifex inchoat, schola prosequente,
Antiphonam:*

*Exurgat Deus, et dissipentur inimici ejus, et fu-
giant, qui oderunt eum, a facie ejus. Ps. In Eccle-
siis benedicite Deo Domino.*

*Incepta Antiphona, Pontifex facit ut in fine Psal-
mi habetur.*

Psalmus 67.

*In Ecclesiis benedicite Deo Domino * de fontibus
Israel. Repetitur Antiphona.*

*Ibi Benjamin adolescentulus, * in mentis excessu.
Repetitur Antiphona.*

*Principes Juda duces eorum * principes Zabu-
lon, principes Nephtali. Repetitur Antiphona.*

*Manda Deus virtuti tuæ: * confirma hoc, Deus,
quod operatus es in nobis. Repetitur Antiphona.*

*A templo sancto tuo in Jerusalem, * tibi offerant
reges munera. Repetitur Antiphona.*

*Increpa feras arundinis; congregatio taurorum in
vaccis populorum: * ut excludant eos qui probati
sunt argento. Repetitur Antiphona.*

*Dissipa gentes, quæ bella volunt, venient legati
ex Ægypto: * Æthiopia præveniet manus ejus Deo.*

Repetitur Antiphona.

*Regna terræ cantate Deo: * psallite Domino.
Repetitur Antiphona.*

*Psallite Deo, qui ascendit super cœlum cœli, * ad
Orientem. Repetitur Antiphona.*

*Ecce dabit voci suæ vocem virtutis, date gloriam
Deo super Israel; * magnificentia ejus, et virtus
ejus in nubibus. Repetitur Antiphona.*

*Mirabilis Deus in sanctis suis, Deus Israel ipse
dabit virtutem, et fortitudinem plebi suæ: * bene-
dictus Deus.*

*Et non dicitur Gloria Patri, sed Antiphona repe-
titur.*

*Interim dum Antiphona et Psalmus prædicti di-
cuntur, Pontifex, accepta mitra, circuit ter Eccle-
siam intrinsecus, adspergendo in primo circuitu pa-
rietas in superiori parte; in secundo autem in in-
feriori parte eorum; in tertio vero pavimentum
Ecclesiæ, adspergit etiam specialiter loca contami-
nata quando Ecclesia principaliter est polluta, vel
violata. Quo facto, Pontifex stans in Presbyterio
cum mitra versus ad Altare, dicit:*

*Deum indultorem criminum, Deum sordium mun-
datorem, Deum, qui corruptum peccatis originali-
bus mundum adventus sui nitore purificavit, fratres
charissimi, supplices deprecemur, ut contra diaboli
furentis insidias fortis nobis propugnator assistat;
ut si quid ejus virosa calliditate quotidianis inse-
cationibus maculatum in isto loco corruptumque
fuerat, eficiatur cœlesti miseratione purgatum, quia
sicut illius est solidum perfectumque quassare, ita
auctoris est nostri lapsa restituere, nutantia stabi-
lire, et corrupta purgare. Qui cum Deo Patre, et
Spiritu Sancto vivit, et regnat Deus.*

*Deinde, deposita mitra, mediocri voce, extensis
manibus ante pectui, dicit Praefationem.*

v. Per omnia sæcula sæculorum. R. Amen.

v. Dominus vobiscum. R. Et cum spiritu tuo.

v. Sursum corda. R. Habemus ad Dominum.

v. Gratias agamus Domino Deo nostro. R. Dig-
num et justum est.

Vere dignum et justum est, æquum et salutare,
nos tibi, semper, et ubique gratias agere. Domine
Sancte, Pater omnipotens, æterne Deus. Cujus in-
mensa bonitas, ut non habuit principium, ita nec
finem. LITURG. Tom. II. 20

terminum habebit. Qui divina naturalique pietate plenus eligis in nobis magis restituere perdita, quam percutere peritura. Et si quid aut negligentia polluit, aut ira committit, aut stimulat ebrietas, aut libido subvertit, hoc, Domine, clementi patientia sustines; ut ante per gratiam purifiques, quam percutias per furorem. Et operis tui providus plasmator eligis potius erigere jacentia, quam punire damnanda. Te, Domine, supplices deprecamur, ut hujus tabernaculi receptaculum placatus aspicias, et Altare tuum, quod insectantis est inimici fraude pollutum, per infusionem gratiae coelestis purifiques, purificatum possideas, possessumque, ne deinceps aliqua labe sordescat, custodias. Absint in posterum omnes nequitiae spirituales, et eliminentur, extinguatur antiqui serpentis invidia, et cum omnibus fraudibus suis diaboli turma propellatur. Effera secum maculam, quam ingessit, et perennibus quandoque supplicis depulandus operum suorum semina secum colligat peritura. Nihil hic in posterum noceat praeteriti culpa contagii; nihil sit, quod remaneat inimici fraude pollutum, quandoquidem spiritus tui est infusione purgatum. Resurgat Ecclesiæ tuae pura simplicitas, et candor innocentiae hactenus maculatus, dum receperit gratiam, resurgat ad gloriam; ut populorum fidelium hic turba conveniens, dum petitionis ingerit vota, votorum sentiat se oblinuisse suffragia.

Quod sequitur dicit sumissa voce legendo, ita tamen quod a circumstantibus audiri possit.

Per Dominum nostrum Jesum Christum Filium tuum, qui tecum vivit, et regnat in unitate Spiritus Sancti Deus, per omnia saecula saeculorum.

R. Amen.

Post haec Pontifex, accepta mitra, ascendit ad Altare, et ibi inchoat schola prosequente, Antiphonam:

Introibo ad Altare Dei: ad Deum qui laetificat ju-

ventutem meam. *Ps. Judica me Deus, et discerne causam meam de gente non sancta.*

Psalmus 42

*Judica me Deus, et discerne causam meam de gente non sancta: * ab homine iniquo, et doloso erue me.*

*Quia tu es Deus fortitudo mea: * quare me repulisti, et quare tristis incedo, dum affligit me inimicus?*

*Emitte lucem tuam, et veritatem tuam: * ipsa me deduxerunt et adduxerunt in montem sanctum tuum, et in tabernacula tua.*

*Et introibo ad Altare Dei: * ad Deum qui laetificat juventutem meam.*

*Confitebor tibi in cithara Deus, Deus meus: * quare tristis es anima mea, et quare conturbas me?*

*Spera in Deo, quoniam adhuc confitebor illi: * salutare vultus mei, et Deus meus.*

Et non dicitur Gloria Patri, sed Antiphona repetitur. Qua repelita, Pontifex, deposita mitra, dicit: Oremus.

Et Ministri: Flectamus genua. R. Levate.

*Deus, qui in omni loco dominationis tue clemens et benignus dedicator assistis, exaudi nos, quæsumus, et concede, ut in posterum inviolabilis hujus loci permaneat consecratio; et tui muneric beneficia universitas fidelium, quæ supplicat, percipere mereatur. Per Christum Dominum nostrum.
R. Amen.*

Deinde stans ibidem inchoat, schola prosequente, Antiphonam:

Confirmata hoc, Deus, quod operatus es in nobis, a templo sancto tuo, quod est in Jerusalem.

Psalmus. Exurgat Deus, et dissipentur inimici ejus, etc.

*Et dicitur totus cum Gloria Patri et Sicut erat
(prout habetur in Matut. Pentecostes) cum Anti-
phona prædicta. Incepit Antiphona, Pontifex acci-
pit mitram, stans cum ea dicta loca, usque ad finem
Psalmi. Quo dicto, Pontifex, deposita mitra, stans
adhuc ibidem dicit:*

*sb. omnia in mundo vobis dabo sed quod non vobis
debet datur nisi vobis. OREMUS taliter non sunt
debet datur nisi vobis.*

OREMUS

Deus, qui Ecclesiam tuam sanctam, de omnibus mundi finibus congregatam, per tui lateris admirabile sacramentum cunctarum gentium matrem esse dixisti, quam etiam populorum varietate depictam, sanctorum Martyrum tuorum meritis decorasti; bene ☧ dic, Domine, quæsumus, Sanctorum tuorum opitulante suffragio, tam Altare, quod eorum exornatur, te juvante, Reliquis, quam Ecclesiam, ac fidelium tuorum tibi pie offerentium vota in illa sanctifica. Qui cum Deo Patre, et Spiritu Sancto vivis, et regnas Deus, in sæcula sæculorum.

R. Amen.

*Tum Pontifex benedicit populo solemniter, dicens:
Sit nomen Domini benedictum, etc.*

*Deinde, si velit, parat se ad celebrandum Mis-
sam. Sed si celebrare noluerit, facit per aliquem
Sacerdotem solemniter Missam celebrari.*

*Missa dicitur de die et cum Oratione diei dicitur
sequens Collecta sub uno Per Dominum.*

Oratio

Deus qui dixisti: Domus mea domus orationis vocabitur, domum istam infidelium spurcitis contumaciam mundare, et sanctificare digneris, et omnium preces et vota hoc in loco ad te clamantium clementer exaudiias, et benignus suscipias. Per Dominum nostrum Jesum Christum Filium tuum, qui tecum vivit et regnat in unitate Spiritu Sancti Deus, per omnia sæcula sæculorum.

SECRETA

Hæc hostia, quæsumus Domine, et locum istum ab omnibus immunditiis expurget, et supplicaciones nostras semper et ubique reddat tibi acceptas. Per Dominum nostrum Jesum Christum Filium tuum, qui tecum vivit et regnat in unitate Spiritus Sancti Deus per omnia sæcula sæculorum.

R. Amen.

POSTCOMMUNIO

Percipientes, Domine, munera salutis æternæ supplices exoramus, ut templum hoc et cœmetrium ab infidelium inquinamentis emundatum, benedictione tua maneat sanctificatum, et pectora nostra ab omni sorde vitiorum alienata, tibique devota semper existant. Per Dominum nostrum Jesum Christum Filium tuum, qui tecum vivit et regnat Deus, per omnia sæcula sæculorum.

R. Amen.

BENEDICTIO SIGNI VEL CAMPANE (1)

(Ex Pontificali Rom.)

159. *Signum, vel Campana debet benedici, ante-
quam ponatur in campanili, hoc ordine. In primis
debet campana ipsa ita suspendi et situari, ut com-*

(1) Los Abades etiam usu pontificalium gaudentes, no pueden bendecir las campanas sin privilegio de la Santa Sede, y aun en este caso tan sólo para sus Monasterios ó Iglesias. S. R. C. 27 Sept. 1659, Decretum, 19:—16 Maj. 1744, Tironen, 1 et 2:—11 Aug. 1770, Goritian.—Según este último decreto y otros, tampoco pueden bendecir ornamentos, etc., á no ser que sea pro usu Ecclesiarum sibi subjectarum tantummodo.

Sacerdos ab Episcopo subdelegatus ad benedictionem Cam-
panarum servare debet formam in Pontificali Romano præ-

mode possit intus et extra tangi, tractari, et circuiri; deinde prope ipsam Campanam benedicendam paratur Pontifici faldistorium; vas aquæ benedicendæ; aspersorium; vas cum sale, linteum munda ad extergendum Campanam, quando opus fuerit; vas olei sancti infirmorum; sanctum Chrisma; thymiana; thus; myrrha; et thuribulum cum igne. Diaconus etiam accipit amictu, albam, cingulum, manipulum, stola, et dalmaticam albi coloris. Quibus ordinatis, Pontifex in Sacristia, aut alio convenienti loco, paratus amictu, alba cingulo, stola, pluviali albi coloris, et mitra simplici, baculum pastoralem manu gestans, venit prope Campanam, ubi sedens super faldistorium ibidem sibi paratum, dicit cum ministris Psalmos sequentes, videlicet Psalmum.

Miserere mei Deus, * secundum magnam misericordiam tuam, 195.

Totus dicitur cum Gloria Patri.

Psalmus 53

Deus, in nomine tuo salvum me fac: * et in virtute tua judica me.

Deus, exaudi orationem meam; * auribus percibe verba oris mei.

Quoniam alieni insurrexerunt adversum me, et fortes quæsierunt animam meam: * et non proposuerunt Deum ante prospectum suum.

scriptam, atque unctiones adhibere cum Oleo sancto infirmorum et sacro Chrismate, nil omittendo de iis omnibus que circa ordinem Psalmorum, Orationum, aspersionis et thurificationis Campanæ ibidem statuta inveniuntur. Potest etiam benedictionem solemniter agere cum Diacono sacris vestibus induito, qui in fine Evangelium solitum cantet. S. R. C. 23 Junii 1853, Eischtaden.—Debe usar el agua bendecida por el Obispo.

Nisi Delegato delegata eliam fuerit facultas benedicendi aquam abstinendum erit a Campanæ seu Campanarum benedictione, in casu nempe, si deficiat aqua benedicta ab Episcopo, quia vas dictam aquam continens forte effractum fuit, seu ob aliam causam fortuitam. S. R. C. 14 Aprilis 1885. Brixien.

Ecce enim Deus adjuvat me: * et Dominus susceptor est animæ meæ.

Averte mala inimicis meis: * et in veritate tua disperde illos.

Voluntarie sacrificabo tibi: * et confitebor nomini tuo, Domine, quoniam bonum est.

Quoniam ex omni tribulatione eripuisti me: * et super inimicos meos despexit oculus meus.

Gloria Patri, etc. Sicut erat, etc.

Psalmus 56

Miserere mei, Deus, miserere mei: * quoniam in te confidit anima mea.

Et in umbra alarum tuarum sperabo, * donec transeat iniquitas.

Clamabo ad Deum altissimum: * Deum, qui benefecit mihi.

Misit de cœlo, et liberavit me: * dedit in opprobrium conculeantes me.

Misit Deus misericordiam suam, et veritatem suam: * et eripuit animam meam de medio catulorum leonum: dormivi conturbatus.

Fili hominum dentes eorum arma et sagittæ, * et lingua eorum gladius acutus.

Exaltare super cœlos, Deus: * et in omnem terram gloria tua.

Laqueum paraverunt pedibus meis: * et incurvaverunt animam meam.

Foderunt ante faciem meam fovem: * et incidunt in eam.

Paratum cor meum, Deus, paratum cor meum: * contabo, et psalmum dicam.

Exurge, gloria mea, exurge, psalterium, et cithara: * exurgam diluculo.

Confiteor tibi in populis, Domine: * et psalmum dicam tibi in gentibus.

Quoniam magnificata est usque ad cœlos misericordia tua: * et usque ad nubes veritas tua.

Exaltare super cœlos, Deus: * et super omnem terram gloria tua.

Gloria Patri, etc. Sicut erat, etc.